

اداره مخصوصه
درسعادتده ياب على جاده سنده

محل اداره :

مستطابق

۱۳۲۶

اخطار :

مسلكنزه موافق آثار جديده مع المنوربه
قبول اولنور
درج ايديلهين آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بردفيعه نشر اولنور.

مؤسلى : ابوالعلا زين العابدين - ح . اشرف اديب

درسعادتده نسخه سى ۵۰ پاره در

قيرله دن مقوا بورو ايله كوندريليسه سنوى
۲۰ غروش فضله آلير

تاريخ تاسيسى

۱۰ تموز ۳۲۴

سنه لى

۸۰ ۴۰

ولاياتده

۸۰ ۴۰

ممالك اجنبيه ده

درسعادتده پوسته ايله كوندريليسه ولايات بدلى اخذ اولنور

عدد : ۵۰

۳ شعبان ۳۲۷ پنجشنبه ۶ اغستوس ۳۲۵

ايكنجى جلد

دون اویله دن صکرا ایدی ، فضلی بک پرمسرت تکرار اداره خانه کلدی ، « البشری ، البشری » دیه برکة الله افسدیدن کلن مکتوبی اوزاتدی . اوقونجه کلا دق که (یاسوتارو هانجیو) اسمنده برژاپون اهتدا ایتش ، اصول وفروع دینی تحصیل ایتک اوزره دارالخلافهیه متوجهاً حرکت ایلیمش . بش اون کونه قدر مواصاتی مأمول . فضلی بکی تبریک ایتدک ، ویقینده انشاءه ژاپونلرک فوج فوج مظهر هدایت اولمیرینی تمنی ایلدک . مکتوبی عیناً درج ایله قارئلرمیزی ده مسرت حاصلهیه تشریک ایدیورز :

بسم الله الرحمن الرحيم

حامداً ومصلياً وهمسلماً

الی الاخ العزیز المحترم احمد فضلی افندی ایده اہ تبارک و تعالی بروج منه ایہا الاخ الکریم هذا کتاب منی الیکم لیخبرکم بامر عظیم فیہ صلاح الاسلام والمسلمین ونجاح الشرق والشرقیین امر دعونا نرضی — یاخی انا ارسل الیکم قریباً (ای بعد عشرة ايام ام اقل او اکثر منها) رجلاً ژاپنیاً شغف بالاسلام حباً ویرید تحصیل مبانیہ ومسائلہ من اصولہا وفروعہا فی دارالخلافہ — قسطنطنیہ — وداعیاً قومہ الی الاسلام . وعزمہ بحمل المشاق فی طلب هذا المرام حتی لا یضن بنفسہ فیہ . هومنی علی اعتقادہ ان فلاح قومہ ووطنہ موقوف علی قبولہم الاسلام — والا لانجاة لهم — لان بن ایدیہم شعاب ووعور ووهاد وضرر لامکال لهم باقتحامہا ولا طاقۃ لهم باذلتہا . الدیانۃ البودیہ قد بلغت من الکبر عتياً وردت الی ارض العمر فما بقی فیہا من الحیوة الا قلیلاً . وكذلك الحال بالادیان القدیمة کلہا — اما النصرانیة فتمدزلزلت ارکانہا فی مراکزہا من اوربا وامریکا فانہا ہی الیوم حیلۃ لاسترقاق الاقوام وتسخیر الممالک فیہی لانصلح ان تحیی الموتی . لانہا میتة بذنسہا . اما الاسلام فہو دین شاب فیہ حیوة تسری فی من یدخل فیہ . واخوة الاسلام فیہی قوة عظیمة لا قبل للناس بہا وعروة وثقی لانقصاص لہا وان اراد الاعداء باطفاء نورہا وسعی الحیارة بہدم بنائہا — وکفی بالله شہیداً — هو الذی ارسل رسولہ بالہدی و دین الحق لیظہرہ علی الدین کلہ . واسم هذا الرجل . « یاسوتارو ہانجیو »

محمد برکة الله

۳ تموز ۱۹۰۹

« توکیو »

باشلاہ جقدر . شمدی سزدن بکله دیکمزشی ، بواصر عظیم حقندہ بتون مسلمانلرک نظر دقتلرینی جلب وبوتشبتک اہمیتی تقدیر ایدہ جک نشریائده بولمق ، عالم اسلامہ ژاپونیادہ نشر اسلامیت ایچون برجعت تشکل ایتدیکنی بیلدر مکدر . احوال وتشبثاتمزدین سزی منتظماً خبردار ایدہ جکیز . شیمدی مصرہ کیدیورم . اورادہ دہ بوتشبتمزی اکلا دہ جغ ومؤخرأ بجرأ یولده مسلمان مملکتلرینہ اوغرایہرق ژاپونیایہ عودت ایدہ جکم . طیبی ہراوغرایدیغ محلدن دہ سزہ خبر کوندیریم . ژاپونیایہ کیدر کتمز جامعک برآن اول اکال انشاآنہ صرف ہمت ایدہ جکیز . جامع اکال اولندقدن صوکرا دارالخلافہ دن معاونت بکله یہ جکم . برامام ، بر مؤذن کوندیرلسی ایچوندہ رجادہ بولنہ جغ . بونلر علوم دینیہ فنون حاضرہیہ وقوف ایلہ برابر انکلیزجہ دہ تکلم ایدہ بیلعلی درلر . بزبونلرلہ ایشہ باشلار ، اوراسنی مرکز اتخاڈ ایلہ ، سائر یرلردہ دہ شعبہ لر تأسیس ایدرز . ژاپونجہ وانکلیزجہ عقائد و احکام اسلامیہ دن باحث ہفتہ لقی بر غزتہ دہ نشر ایدہ جکیز . ایشک جدیتی ، نتائج حسنہ سی کورولنجہ بالطبع او وقت ہر مسلمان بزدن زیادہ غیرتہ کلہ جکدر . اورالردہ نشر دین ایچون بر خرسیتیان جمعیتی واردر : « کنج خرسیتیانلر جمعیتی » تمام سکسان میلیون سرمایہیہ مالکدر . تشبثلری منتج موفقیت اولماقلہ برابر نشر واقدامدہ قصور ایتیورلر . ژاپونلر متفکر ، محاکمہ لی بر قوم اولدقلرند غیر معقول کوردکلری فکرلرہ اعتقادلرہ قایلما یورلر . یوقسہ اوجمیتک بواغورده صرف ایتدیکی پارہ لر عقللرہ حیرت ویرر . رسالتپناہ صلی الله علیہ وسلم اقدمز حضر تلرینک علیہ ندہ رسالہ لر ترتیب ایتشلر . وغایت فنا بر فطوغراف دہ اویدور مشلر ، بتون ژاپون ممالککہ نشر ایدیورلر . ژاپونلری اسلامیتدن تبریدہ چالیشورلر . فقط حقیقت دائماً حقیقت در ؛ بوکون دکلسہ یارین ، یارین دکلسہ او برکون اسلام . میتک علویتنی وبتون بشریت ایچون بر دین فکاری بولندیغنی عموم جہان معرفت اکلاہ جقدر . ژاپونلرک ایسہ انشاءہ عہد قریبہ بوحقیقتہ وصوللری مأمولدر . . . ژاپونیایہ مواصلتی متعاقب سزہ جامع شریفک قروکیسنی ، وانشاآتی مصور رسملرینی کوندردہ جکم . سزہ اوزمانہ قدر دمین سوبلیدیکم اوصافی جامع امام ومؤذر یتشدیرمکہ غیرت ایدرسکیز .

مجاہد محترمک شو صمیمی سسوزلرینہ برشی علاوہ ایتکی زائد کوریر وحرز وحفظ صمدانیدہ مصون ومحفوظ قالملری تمنیائیلہ ادعیۃ موفقیتہ تردیفاً کندولرینی تبریک و ہممات واقمع لرندن طولابی بتون اخوان دین نامنہ عرض تشکر ایلرز .

احمد ساقی بک	مدیر مسئول :	اصحاب امتیاز :
مطبوعہ سی	اشرف ادیب	ابوالعلا واشرف ادیب